

## 馬邑縣志序

夫志記也然不曰記而曰志者蓋記以記寔跡志以志永久也故一邑典籍惟志爲重而守土規畫修志爲先乃今三晉之志全備者固多而缺略者亦不少甚有缺二三十年五六十年者且有無志者噫可嘆哉值茲

文明盛際教化隆治國有史館野有掌故非如繩契以前渺忽亡紀又非如獲麟以後筆削遂絕也何以漫無策勸竟令往跡湮沒而不傳乎然馬邑志前令王君一鳴草創未就趙君承芳欲紹厥事亦未竟其功自王君日新毅然任之而纂修始成迄于今又經一紀矣其間人才之盛衰風俗之美惡民物之息耗

與夫興革利病政治得失不無與時變更者倘遺而不叙將何以備稽考而稱完錄也然邇年來災歉頻仍糧徭逋負弊蠹紛麻而人心成玩號爲難治方余左遷之始惟旦夕冰兢以不克勝任贖前愆是懼即欲從事于補綴未能也今茲負者以完怠者稍振而他務亦頗次第舉行方擬編修原志而

巡撫山西都臺李公會同

巡按山西直指康公移檄通省郡縣令各采輯刪定以成一方便文獻余即踴躍奉行因延請宿學博綜王君繼文崔君鈿孝廉霍君鎮邑庠生霍子鏘王子道純霍子鉦霍子鑛李子如榛吳子應舉徐子三變元子體震若而人者蒐羅裁正各效其長近

事未載者增入舊蹟散佚者考訂余亦以己意時加品藻故不  
浹旬而成帙以付剞劂氏而鏡往詔來庶垂久永即以是呈之  
當路者將未及面陳而俗已貢未及躬歷而風已觀舉一邑之  
事實照然在目中矣倘令茲土者撫輿圖則期保障之功鑑人  
品則動法戒之念按風俗則思移易之方而綜理民物導利剔  
蠹俾職守不墜而無玷官箴其于斯志也或無負己是又所望  
于後之同志者

告

萬曆三十六年歲在戊申季秋吉日

文林郎知馬邑縣事東萊芙蓉宋子質拜手書



馬邑縣志目錄

卷之上

輿圖志

建置志

學校志

祀典志

官師志

選舉志

人物志


雜附志

卷之下

藝文志

城廓圖

官廳



文明塔

北獄廟

教場

觀音堂

公署

城隍廟

察院

分司

縣衙

儒學

文廟

關王廟

魯墓

神機庫

守備衙

所廳

娘娘廟

草場

吏目廳

軍儲倉

崇恩寺





馬邑縣志上卷

輿圖志

輿圖之係重矣周禮大司徒掌天下疆域圖而復正於職方氏誠重之也况考古證今採風辨物胥於輿圖乎會之故首及焉

沿革

本縣禹貢在冀州之北域周屬并州春秋爲北狄所據戰國屬燕秦時建城輒崩忽有馬周旋馳走反覆後隨馬跡築之城乃成遂名馬邑漢屬鴈門隋置朔州總管府大業初屬馬邑郡唐貞觀初屬大同開元五年析鄯陽東三十里置馬邑河中節度使遂徙州於馬邑五代仍其舊唐明宗置寰

馬邑縣志 卷之二 一  
州晉滅唐割屬於契丹遼金元因之

國朝仍名馬邑原額八里永樂十年併爲六里成化十八年併爲四里隸朔州宣德九年置所北展半城居之

**疆域**

縣境在大同府西南二百四十里朔州東北四十里廣

七十三里袤九十五里周圍共三百九十里東至山陰縣界新興鋪四十里西至朔州界七里河三十里南至代州鴈門關界八十里北至朔州界洪濤山一十五里東到山陰縣六十里西到朔州四十里南到代州一百二十里北到大同左衛一百八十里東南到廣武站五十里西南到寧武關一百二十里東北到懷仁縣一百五十里西北到井坪城七十里

東南到布政司四百六十里至北京九百六十里至南京三千四百六十里

**分野** 雲中入東井一度鴈門入東井六十度朔州當昴畢之分  
分本縣界在雲朔亦屬昴畢之分

**山川**

**雷山**

縣西北十里下有源泉出焉

**洪濤山**

在雷山之測周圍許有七泉湧出

**馬頭山**

在苗家山之左山勢似馬故名

**洪河峪**

縣東北十里

**紫金山**

在南山上高二十餘里形勢險峻巖盤

踞相續不絕

**太和嶺**

縣西南五十里

**楊六郎寨**

在太和嶺之西北口上楊將軍屯兵之所基趾猶存

**筆架山**

縣南五十里楊六郎寨之右

**鴈門關**

在南山上兩山壁立峻峭中有一路盤旋崎嶇故老傳楊

將軍曾負固于此

**桑乾河**

發源于洪濤山金龍池二水合流喇河復注經流縣西南東三面至鄯河東抵山陰

達蘆溝橋

**小蒲泉**

縣西北五里水淵默澄深源出不竭周圍蒲萍茂盛

**黃道泉**

在洪濤山下

其水淵深俗傳與寧化天池水脉相通

### 恢河

縣南五里發源寧武山口北經流紅崖村伏流十五里至塔底村復

出經朔州馬邑縣城南東

### 黃水河

縣南二

### 泥河

縣東北三

縣東五十里平地湧泉澄清

### 鄯河

縣東三

### 風俗

本縣界在雲朔肘腋

京師風聲漸被斌斌興於禮教矣但民性渾朴惟事耕耘飲食衣服多尚簡易至於慷慨輕生剛毅任俠信鬼好祈猶不免西晉之故俗云

### 形勝

東護雲中西擁朔郡洪濤山層障於後鴈門關疊峙於

前河出桑乾遶九曲而南渡流接恢水障百川而東之誠爲北胡鎖鑰然嚴保障謹斥堠慎封守勤偵探又責任守禦者

焉

村堡 庄頭村

水磨頭村

三家店村

李磨疇村

羅家疇村

東寺院村

西寺院村

西河底村

俱隸  
縣東

橫河頭村

大夫庄村

榆林子村

鄴和村

羊圈頭村

上沙家疇

下沙家疇

泥河兒村

俱隸  
縣東北

十里後村

李沼疇村

河沼疇村

新近疇村

永安庄村

河淋禽村

劉令史營

新村兒村

滋潤村

下關城堡

楊十二莊村

吳家莊村

青塚村

李林莊村

黃水河村

史家莊村

小寨兒村

代堡村堡

西君村

東君村

陳家莊村

卞子疃村

三泉村

寺頭村

俱隸縣南

北婁番村

南婁番村

辛莊子村

南曹村

北曹村

連兒疃村

塗阜村

俱隸縣西南

東邵莊村

吉家莊堡

神頭村

司馬泊村

陡溝兒村

張家口村

平易村

焦家堡村

俱隸縣西北

吳佑莊村

馬跳莊村

俱隸縣北

舖舍在城舖

西十里舖

三家店舖

羅家疇舖

新興舖

滋潤舖

卞子疇舖

察罕舖

楊十二莊舖

北口舖

嶺底舖

**古蹟**

**櫓臺**

在城內西北隅高四丈餘父老傳謂李衛公所築觀星者

**長城**

西達朔州神池口父老傳謂秦

始皇所築以禦胡者

**古寰州城**

在城關西迤南五代唐置寰州遼罷為縣古城即其舊址

**金龍池**

在

馬泊其水淵深清致池中產一馬朝出暮入人莫敢近尉遲敬德聞而收之因名其池

**神婆跡**

在洪濤山嶺俗

傳有神嫗携子遊石上手足及梳鏡皆深寸餘此亦訛傳云姑存之

**古峯臺**

在莊頭村臺高四丈中空可匿百餘

人厥土堅實虜莫能攻

**下關城**

在村東一里許周圍八里基址俱存世代莫考

**古戰場**

泥河有

戰場跡營壘俱存

**馬跳莊**

古傳尉遲公龍池降馬騎至此莊馬復跳濯故名

**寰州寺**

在縣南

恢河南岸 **六郎寨** 在縣南五十里父老傳謂楊元忠臣故宅

司馬泊有元忠臣崔斌崔 **文明塔** 在知縣臺上用鎮水

**八景** **洪濤雨霽** 在縣北十里雨霽則嵐光掩映泉溜 **王泉秋**

**聲** 在鴈門山西隅一泓清冷之趣可以洗滌塵襟至 **鴈門聳**

**秀** 在縣東南峯巒疊翠一帶如列屏障又 **古寰落照** 即寰州

今遺址在恢河南岸基地平坦日將落紅光滿地爛 **櫓臺遠**

**眺** 在縣城內西北隅高出雉堞丈餘登臨四顧但見山光水

仙儻所謂空 **龍池月夜** 在縣西北十里四圍皆水寺居其中

牛斗影落池中光 **桑乾冬煖** 在縣西門外自金龍池神頭山

如霧散滿於城廓間誰謂塞上多寒哉 **神坡古寺** 縣南四十



見市深隱雜杳亦養真之一地也喧闐惟

**穀** 黍

稷

粟

大麥

春麥

蕎麥

豌豆

黑豆

大豆

匾豆

葫麻

麻

**果** 桃

杏

棗

李

杜梨

榛

**瓜** 西瓜

甜瓜

苦瓜

王瓜

木瓜

菜瓜

葫蘆

匏

絲瓜

**菜** 芹

芥

葱

菲

蒜

茄

白菜

甜苣

莧

蒼蓬

蒿苳 波稜菜 蔓菁 藤蒿 芫荽

白蘿蔔 胡蘿蔔 蘑菇 黃花菜 蕨菜

地皮菜

**花** 葵 菊 石竹 山丹 牽牛

旱荷花 金盞 玉梅 薔薇 雞冠

粉團 芍藥 刺梅 萱草花 十樣錦

百般嬌 海納 拳丹 無花果 漫陀羅

水紅花 珍珠花

**木** 榆 柳 桑 槐 椿 栢

松 楊 檜

藥

苦參

五味子

管仲

沙參

甘草

麻黃

柴胡

防風

京三稜

川芎

郁李仁

細辛

遠志

威靈仙

桔梗

蒼朮

欵冬花

大黃

葶藶

荊芥

黑牽牛

葶麻子

御米

地黃

芍藥

枸杞

地榆

益母

黃芩

黃耆

野菊花

石膏

知母

車前子

猪苓

紫蘇

薄荷

禽

雞

鴨

鵝

雀

鴉

班鳩

鶉鴒

鸛

鷺

鴈

鷓鴣 野鷄 半翅 石雞 鶯

鷓鴣 青鷓 燕

獸 牛 馬 騾 驢 猪

羊 犬 兔 猫 鼠

鹿 熊 虎 狼 麀

獐 狐狸 黃鼠

鱗介昆虫 魚 蝦 蛙 蝴蝶

促蠊 螻蟻 蚯蚓 螻蛄 蟬

蛇 蜻蜓

## 建置志

春秋書興作必嚴美刺者重民力也第王公設險以守國君子攸躋以視事有不可因陋就簡者至於田賦橋梁戎馬市廛則內安外攘所係尤重焉因併及之

**城池** 右傳秦時即有城然皆土墉歷漢唐宋未有易之者我朝洪武甲辰守朔指揮孫昭奉

命更築隆慶六年巡撫大同劉公應箕按宣大史劉公良弼會議以築邊城

上請允其奏乃命知縣岳汴守備時爾直分督之經始於隆慶六年四月落成於萬曆元年十月四面砌以石基五尺上俱

用磚包之角樓四座城樓二座東西門有重樓高四丈周圍

六百四十丈

**公宇**

**察院**

門在治東洪武八年縣丞宗彞創建大門三間萬

曆二年冬十月被火災署縣事教諭胡璉重建萬曆九年

**分司**

房在治東大門一間儀門一間前廳退寢大門三間皂舍三

房間皂舍厨

**縣治**

五在城中大街迤西兩向洪武八年重建前堂三間退堂

相繼重修萬曆九年知縣趙承芳建芳牌一座東西六房舊

共六間又增修一十六間建正堂抱厦三間知縣宅在退堂

**預備倉**

在儀門

後典史宅在公廨東寅賓館三間在儀門外東

側預備倉之西萬曆二十一年知縣王日新建

**公署**

門在察院前街南正廳六年知縣宋子質建

養濟院北**草場**俱在縣

**廣武驛**

正廳五間退廳三間左右各廂房二門一間馬神廟一間

**接官廳**

在縣西河外大門三間二門一間正廳五間廚房二間署縣教諭胡璉建

**戶口**

洪武二十四年有戶七百九十二男子三千七百二十

四

永樂十年戶六百一十八男子二千七百三十五

嘉靖二十七年戶五百一十六男子二千一百一十五

萬曆十二年戶五百四十五男子一千四百六十九

萬曆二十三年戶五百四十七男子二千六百三十六

**田賦** 洪武二十四年田地一千四百八十頃九十二畝六分

夏稅豆麥四千四百九十四石五斗五升四合三勺五撮

秋糧粟米三千四百六十一石四斗八升三合七勺八抄

永樂十年田地一千四百六十二頃二十六畝一分

夏稅豆麥四千三百九十石六斗五升三合二勺四抄

秋糧粟米三千四百四十三石五斗五升三合

隆慶年間田地一千二百七十六頃二十二畝六分

夏稅三千三百二十四石六斗四升五合六勺一抄五撮

秋糧二千五百五十一石五斗一升五合三勺

馬草一萬六百五十一束二分一釐五毫六絲



脚價銀一百一十一兩四錢六分八釐九毫四絲五忽八微  
萬曆年間田地一千七百一十七頃五十畝四分三釐八絲  
夏稅三千二百二十四石六斗四升五合六勺一抄五撮  
秋糧二千五百五十石五斗一升五合三勺

馬草一萬六百五十一束二分一釐五毫六絲

脚價銀一百一十一兩四錢六分八釐九毫四絲五忽八微

嘉靖年間牛具銀四十二兩五分八毫六絲

隆慶年間牛具銀四十二兩一錢五分八毫六絲

萬曆二十二年牛具銀四十兩四錢二分一釐八毫六絲

嘉靖二十五年差銀一千一百二十三兩六錢四分

萬曆十二年差銀一千一百九十五兩三錢五分

萬曆二十一年差銀一千五百六十二兩五錢

萬曆二十三年差銀一千五百二十四兩一錢

鹽糧四十七兩三錢七分六釐連閏五十三兩七錢九分六

釐

嘉靖二十五年驛糧一千五百二十石

萬曆十二年驛糧一千二百三十石一斗九升七合三勺

額徵匠價銀二兩七錢

**課程**

洪武二十四年油房水磨始定課程每歲徵鈔四百六

十三錠一貫七百三十九文後復稅及商賈添銀五十五兩

五錢永爲定額

**武備**

**守府**

近東門大街南向大門三間儀門一間正廳三間東西椽房各五間東西書舍二間後廳五間東西

廂房六間

**守禦千戶所**

門在樓守府西大門一間二座正廳三間

**吏目廳**

在治東北大門一間廂房二間三間後廳三間東西

**旗纛廟**

在守府東大門一間廟廳三間

**軍儲倉**

在治東北大門一間倉東廡七間西廡十間

**演武場**

在城外東坊牌一座正廳三間東爲將臺

**軍器**

**盔**

五百二十

**甲**

五百八

**弓**

七百七

**箭**

五千三

**腰刀**

三百九

**大**

**刀**

九棍一八十

**火器** 鐵二將軍四 鐵三將軍四 銅手把銃八 大佛郎機四

小佛郎機四 二次小佛郎機六 銅流星砲一 銅無敵手二十

銃一飛鎗砲三 雷飛砲五 小子砲五 大小提砲十二 鈎二

頭銃四 鐵蓋口砲二 飛砲一 神鎗一 毒火飛砲十 懸砲

七夾靶鎗四 疾藜圓炸砲八 鉛鉛子千 英子砲七 湧珠砲

十火藥斤七十八兩六

**墩臺** 櫓臺墩城在西北 護城墩城在西北 羅辛中墩縣東二里 河南墩縣東

南五里 馬頭山墩縣東五里 高龍王峪墩縣東五里 瞭把山墩縣東

北三里 中嘴山墩縣東五里 富漢梁墩縣東五里 鶯臺山墩縣東

北七里 寶峯山墩縣東八里 南祖山墩縣東五里 八里墩縣西 盤道

梁墩 縣西北十五里 喇河口墩

坊牌 龍章世錫坊 錢霍 奕世烏臺坊 錢霍 貞節坊 王霍氏 妻 肅察貞

度坊 院在察院東 進士坊三 一為甲辰進士田彭立一為辛巳進士焦昇立 雲

程坊 人為丁酉舉人陳憲立 月桂坊 為舉人彭立 經元坊 為經魁文立 亞魁坊 為子科

舉人張元相立 貞節坊 為節婦張氏立

橋梁 石橋 門在東外 吊橋 門在西外 桑乾河橋 恢河橋 黃水河橋

三橋春冬暫設夏秋水發即廢

市集 城中市集每旬二日在關王廟前每六日在西關每九

日在察院門前

屯田 國初原額官軍一千六百三十二名正統七年撥安東

中屯衛遺留地土置所立屯共地一千六百八十頃

夏稅豆麥七百九十三石三斗二升一合八勺九秒九撮三圭

秋糧粟米七百九十三石三斗二升一合八勺九秒九撮三圭

穀草二千五百七十五束八分

牛具草價銀六十五兩六錢三釐二毫一絲九忽

嘉靖年間因虜患頻仍屯地荒蕪停徵夏糧一百八石二斗六升四合八勺九秒九撮三圭

萬曆二十二年屯田地二百四十九頃五十畝三分四釐地  
畝地二十四頃六十九畝三分牛具地一百六頃一十五畝  
夏稅豆麥六百八十五石二斗七升五合  
秋糧粟米六百八十五石二斗七升五合  
草價銀仍舊

**馬政**

原額馬一百九十四匹見在馬一百七十匹孳牧馬今革

學校志

學校關士習而世道否泰因之故學之不可以不興也學興  
則才育才育則化敦化敦而治亦隆矣馬邑雖當邊鄙而士  
子近多僞髦則霞變雲蒸當必有待其所資藉於學者非淺

鮮也可弗志乎至於蒙養始教亦聖功之不可缺者故附於

後

**儒學**

左在縣治西洪武二十七年知縣李德重修明倫堂三趙

承芳因學廟中隔於民舍請動贖金五十兩買民間隙地因

恢其規制學宮廟宇聯而為一重修大門三間東西二齋增

**書器**

**誥律**

二本

**易經**

十二本

**勸善書**

八本

**禮記**

九本

**四書**

九本

**五倫書**

十四本

八本 **詩經**

十一本

**春秋**

七本

**性理**

三十本

**書經**

九本

**祭器**

**錫籩**

四十

**銅爵**

十二

**錫爵**

七十

**社學**

舊在治後久廢萬曆五年知縣王梅於治西買民

**祀典志**



祀國之大典也豐功偉績匪祀無以報是故明王重之

先師與兩壇等祀其制定矣他若三龍王典一方雨澤鄂國公

著萬古英靈則於祀亦以義起云

文廟

正殿五間  
星門東西廡各五間

壇壝

社稷壇

在西門迤北

風雲雷雨壇

在城南祭以城隍配

厲壇

在城北

祠祭

啓聖祠

在儒學大門內東

文昌帝君

在城東樓南角

魁星樓

在樓上

名宦

漢灌嬰  
明進齊

婁敬張文

後魏

王仁恭  
王一鳴

唐李靖

嘉岳

宋

黨

鄉賢

魏張遼  
明曹必田

隋乞伏  
彭霍朝

唐

周德威

金

李完

元

崔斌

城隍廟

在治西南大門三間東廊房  
各三間正廳三間退廳三間

馬聖祠

在東門外

工神祠

在縣治儀門外東

唐鄂國廟

在東門樓上泊一

二龍王廟

在神頭村

### 官師志

官師者民之宰士之宗也政治之得失教化之淳漓係焉馬

邑官師古籍剝落無從述矣我

朝定職定員咸正岡缺而題名久無記石中間類次年紀多有  
差訛而姓名湮沒不傳者亦有焉至於守禦諸司職專戎馬

則於例宜并載云

**知縣**

**李德**

洪武年任

**劉談**

直隸人

**劉經**

河南人

**齊壽**

蠡縣人由監生弘治四年任禁伏兇

人保安善類民到於今稱焉

**張聰**

弘治年任

**陳達**

遼東人

**李英**

山東人

**趙珣**

直隸人

**文燧**

遷安縣人由監生忠厚誠實吏畏民懷致政而歸士民思焉

**王功**

陝西人

**劉悅**

河南人

**高彤**

陝西人

**吳滋**

陝西人

**韓魯**

山東人

**何崇信**

直隸人

**羅經**

山東人

**廷傑**

山東萊陽人

**苑侃**

直隸人

**王一鳴**

齊東縣人由舉人嘉靖丙午任性秉溫厚政尙寬和訓生

徒以振士風改河渠以固城廓民咸誦之

**王嘉**

霸州人由監生蒞任清勤政尙嚴明訓誨生儒士多籟以陶成民至

今尤誦其功德

**呂應春**

直隸人

**倪雲鶴**

直隸人

**趙德祐**

陝西人

**李允中**

直隸人

**張臻**

河南人

**吳國貢**

山東登州人

**王濟洙**

直隸人

**宗鑰**

陝西人

延安有人由舉人政善民慕包城有功立祠以報之

**陸陽**

河南人

**史策**

遼東人

**王梅**

河間人

王道

舉人 縣人

魏克頑

元氏縣監生

趙承芳

無極人 由舉人 萬曆八年任

陳文獻

長安人 由舉人 萬曆十三年任

閻卓

衛縣人 由舉人 萬曆十八年任

施為霖

東安人 監生 萬曆十九年任

王日新

山東寧海人 由選貢 萬曆二十一年任

康徵

衡水人 由監生 萬曆二十七年任

張汝濬

昌平人 由監生 萬曆二十九年任

宋子質

昌邑人 由舉人 萬曆三十三年任

張弘德

選貢 齊河人

賈尙志

舉人 固安人

李一道

舉人 咸寧人

馮橘

舉人 保定人

劉蘊

選貢 鄭州人

澄清

舉人 天啟五年任 盩厔人

李騰蛟

涿州人

典史

陳廷誥

陝西人

梁世美

蓬萊人

喬萬

富平人

李僑

安肅人

劉級

徐州人

彭守教

直隸人

吉璠

華陰人

洪道中

直隸人

孟序初

恩縣人

孫邦彥

張宮

陝西人

劉天爵

陝西人

楊君望

朝邑人 萬曆二十年任

樊充圃

霸州人

李繼善

丹徒人

潘士賢

通州人

程慶元

合肥人

廉進秩

山東平陰人 天啟六年

任年 **金必典** 江南桐城人 庶思焉 順治元年任

**教諭**

**李聰** 雄縣人 **唐盛** 鳳陽人 **謝旻** 慶都人 **劉璋** 陽武人 **陳寧** 順天人 **趙**

**爵** 垣城人 **張榮** 臨清人 **王永裕** 武功人 **李善** 晉州人 **李玳** 海豐人 **馬尙德**

萬全右衛人 **俠良謨** 高陵人 **王機** 賓州人 **唐士元** 齊河人 **戚世登** 安州人 **張**

**克忠** 閿鄉人 **胡璉** 固城人 **李騰霄** 黎城人 **羅廷璋** 霍州人 **申道** 山西人 **揚**

**思之** 遼州人 **張典** 南陽人 **張澤民** 直隸人 **程鷗** 萬全左衛人 萬曆二十年任 **鄭光**

**祖** 陝西人 **任貞** 陝西人 **馬化龍** 保德人 **孟時芳** 武城人 **王繼文** 曲陽人 **韓**

**國彥** 廣平人

**訓導**

**李鼎** 原石人 **崔倫** 直隸人 **張鑑** 直隸人 **惠璧** 蒲城人 **牛珣** 磁州人 **王**

**寶** 鉅鹿人 **張仁** 齊東人 **文舉** 寧夏人 **荀廉** 陽信人 **閻景陽** 高陽人 **劉鼎** 祁州人

人 **李棟** 趙州人 **馬萬程** 定州人 **許汝端** 東安人 **郭廷棟** 平鄉人 **高彥臣**

振武人 **高冠** 解州人 **弓邦衛** 崞縣人 **翟仲爵** 懷來人 **李萃芳** 忻州人 **鍾邦**

**望** 河曲人 萬曆二十一年任

**楊時暢** 漢中人 **崔鈿** 安陽人 **李應昕** 猗氏人

**守備** **張鑑** 本所千戶 **李淮** 大指揮 **周勇** 左衛指揮 **谷琳** 右衛指揮 **呂鎮** 大指揮 **許**

**鎮** 大指揮 **馬芳** 大指揮 **王輔** 大指揮 **陳銘** 大指揮 **王招** 大指揮 **陳恭** 右衛指揮

**朱璋** 天成指揮 **張璽** 平虜指揮 **韓鎮** 大指揮 **董璽** 大指揮 **孫安** 靈丘指揮 **王浩** 大

指揮 **王鑑** 大指揮 **蔣譚** 直定指揮 **李璋** 大指揮 **薛柱** 保安指揮 **李世爵** 偏頭所

**邊大振** 山陰千戶 **張士英** 寧武指揮 **時爾直** 沁州指揮 **楊培** 應州指揮 **楊一名** 偏頭

所 **閣金臯** 直隸武進士 **莫如德** 宣府武進士 **席仲仁** 左衛百戶 **聶蘭** 右衛指揮

馬紀宣府武進士 孫承賜陽和千戶 宋世相右衛千戶 鄭國珍陝西武進士 德衛萬

一曆二任王之都 寧山指揮 李國忠右衛指揮 王國綱大同人

陳大亨北直指揮 王士俊右衛指揮

所官 陳國謨指揮 鄭建邦千戶 楊金千戶 張勳鎮撫 袁至忠鎮撫 陸甲鎮撫

沈廷章百戶 顏綱百戶 夏天臣百戶 鄭承勳百戶 方勳百戶

所吏目 蕭大經霸州人 王一中直隸人 李瑾山東人 孟萬倉直隸人 萬

世庫臨清人 潘謨浙江人 馬豸陝西人 李東齊山東人 韓東藩河南人 周

承儒三原人

### 選舉志

鄉會之制所以掄一省之秀萃天下之英也即周禮賓興升

於大司徒遺意我

朝名卿碩輔率由是徒以出馬邑奮跡科甲者前亦有人迨嘉

靖戊子而後寥寥矣謹志之用儆後學以自勉云

進士

田彭

成化十七年鄉試甲辰進士

武文

弘治甲子亞魁戊辰進士

焦昇

正德丁卯亞魁辛巳

進士李從心

萬曆辛卯鄉試壬辰進士

霍鏌

御史府丞右通政

祀鄉賢

舉人

郭泮

永樂十年八年

張敬

永樂十一年

郭太

永樂十二年

王佑

成化四年

孫雄

成化四年陳憲

成化十年

張元相

嘉靖戊子亞魁

霍鏌

萬曆癸卯亞魁

歲貢

曹泌

江西監御史

田疇

常熟縣知縣

宋亮

漢陰主簿

張諄

岑溪縣知縣

張顯

任照磨

趙亮

獲鹿縣主簿

魏茂

靜海縣主簿

趙郁

朝邑縣訓導

孫志

新城縣

知縣翟昶

萊蕪縣丞

田貢

四川布政司理問

武鑑

盧氏縣主簿

張端

夏津縣丞

王



佐任江寧王宗府任照磨段春府任知事吳麟縣任知縣趙寧城任商

主簿王弼句興張禮縣任固始王瑄縣任延津尹鑑府任知事元恕任寶

慶府推官孔鑑吳英縣任定興張璞縣任山陽翟洪吳琮縣任夏津張聰

縣任庸城丞段鳳縣任肥城段鵬縣任玉田張尊爵府任廣平焦昱縣任魏

簿李文林任陝西李琇任環縣吳鏞任永昌孔陽縣任河內吳

邦相縣任藁城袁綱縣任鳳翔李舜民府任杭州趙珍任葉縣白和

縣任咸寧丞金昌縣任寶抵李漢民任遼東趙雲鵬府任鞏昌白廷臣

縣任元城簿焦星縣任武清陸希贄王汝相縣任宜君焦是縣任武清張

樞縣任扶溝陳漢府任應天霍白新縣任五臺李崇仁任宣化府萬

沈廷桐縣任交城焦承儒縣任夏津張四術縣任澄城解龍縣任陽谷

張拱端段繪龍霍朝重

通判封府丞

霍朝綱

任壺關縣訓導

王陳言

任太原府

訓導張廷棟

任淄川縣主簿

焦鶚

任永寧州訓導

元袞趙汝華

授岢嵐州訓導

顏學書

任曲陽縣訓導

劉憲

任彰德府經歷

焦承熙

田世芳

任太谷縣教諭

王道中

任臨縣教

諭趙之屏

任太寧州訓導

沈文煥

任太原州訓導

霍錢

朝重之子授勅命升知州

轉

臨判

府同知

張謨訓段上璋霍鏘

高陵教諭

李如榛

三任知州

徐三變

樂平訓

賈漢卿

代州訓

元體震

劉進美

霍鉦

恩貢

吳應舉

平陽府訓

霍紹芳

縣丞

謝宗文

米脂教諭

張名世

選貢今白水

擢

陽醴泉三任

同知蔣時中

主簿

焦承基

訓導

霍萃芳

永平府通判

霍騰芳

按察司經歷

鄭九

州選貢田繼初

主簿

霍之璽

拔貢

符震寰

田世蓼

康詮

顏溥



例貢 賈冲 賈正明益都縣丞 齊鈞揚州磨州 齊尙卿 田浩 齊宗

良 段世勳 田玉種 霍呈芳鴻臚寺序班 霍揚芳 田大成

霍毓芳 霍濟芳 霍之瑾 李蕤

人物志

夫繩劔不必其莫邪銛鋒也繩人不必其紆朱拖紫也馬邑多賢豪隱見不同其負異懷奇有足多者故自漢唐宋以來或勳業之著或德行之淳或節義之全雖其任質蹈志各以彙別然僉足以勵世云

達士逸士漢

聶壹

馬邑豪因太行王恢言匈奴初和可誘以

安國等將軍騎材官三十餘萬匿馬邑旁谷中陰使聶壹為  
間單于穿塞將十萬衆入武州塞得鴈門尉使知其詐遂引

兵還王霸曲為漢戶部尚書避王莽亂棄官後從光武起兵至白

水流漸不可濟霸往視之恐驚衆即詭曰冰堅可渡比至周

黨避亂徙居太原建武五年召徵至京

**三國**

張遼

字文遠從曹操討袁譚有功進爵都侯諡曰剛侯

**隋**

乞伏慧

性慷慨有大節積封郡公後拜曹州刺史

**唐**

苑言揚

單雄信

苑君璋

馬邑

周德威

字鎮遠事晉王為遊騎破王行

瑜有功遷衛內指揮使後拜振武節度使同平章事後與梁戰河上父子死之莊宗即位贈太師配享宗廟

尉遲

敬德

驍勇絕倫善避稍先事劉武周後烟以報之至今廟食下其功居多封鄂國公圖像於凌烟

不絕云

**周**

党進

周太祖以爲鐵騎都虞侯卒贈侍中

**金**

**李完**

人以經童出身登進士第為  
忠誠歷官至按察使

**元**

**崔斌**

兼為江准行省左丞文武  
資有惠政卒諡忠毅

**崔咳**

為御史中丞至平  
章政事卒諡忠肅

**國朝**

**曹泌**

仕江西監察御史行清介致  
時不入城市鄉人重之

**田彭**

陝西左布政居  
家孝友蒞任忠

清人居鄉行不與  
邑人多感慕焉

**武文**

兩任知縣博學能文聰穎有  
高操五經備具邑志乃創稿  
霍錢寵

開先遊綠野歷官三任清  
來攸遊綠野歷官三任清  
潔已愛民掛冠歸賢

**賈冲**

性恬退應  
例貢不出

任 **元傑**

性聰敏一經傳無子無窮  
游丘園一經教子無官情

**節婦**

**韓氏**

三歲喪夫守志四十年卒  
馬邑所舍人張庠妻五年

**張氏**

縣丞張璞女適  
庠生元天瑞不

幸早喪張氏撫育遺孤  
教以義方誓不再醮

**陸氏**

知縣陸宗之女適庠生元勳即前  
張氏撫育之遺孤庠也

**杜氏**

庠生李寵妻二十歲失  
偶守節教子再無異志

**雜附志**

馬邑當朔漠之地自漢唐宋以來中殘於兵燹者固多歷歷可紀然亦邊圉常事故略之不述至於事紀關於邑者亦興衰之槩遺塚見於邑者亦感慨之因他若廟寺之設雖爲不經然而福善禍淫義誠大焉皆附志之

**紀事官**

威寧五年閏七月馬邑雨雹元康五年九月鴈門馬邑太原上黨災風傷稼明年氏羗反判十月馬邑青虫食禾葉十傷五六

**唐**

大中三年十月辛巳馬邑地震有聲壞民廬舍

**宋**

元祐七年十月庚戌寰州地震

**國朝**

萬曆三年七月水災十一年三月地震三十五年臘月地震有聲三十七年秋大熟嘉穀一莖七穗

**墓塚元**

閻丞相墓在吳佑青塚關四五畝高丈餘俗傳王昭庄西北石羊尙存

沙灘今以爲在亂塚廣武站西北塚有二百餘此或傳者訛也

**廟寺**

**三官廟**

東南文昌閣下

**白衣大士庵**

一在北街倉東霍鍾

**北嶽廟**

門在東外

**龍王廟**

在縣西關

**聖母廟**

一在司馬泊西

**觀音閣**

治在

東**觀音亭**

一在治東街外

**崇恩寺**

在治北東街

**玄帝廟**

在櫓臺上**龍泉寺**

在司馬泊西

**增福寺**

在橫河頭

**棲雲寺**

在寺村頭

**高龍王廟**

在沙家

**蒼山大**

**王廟**

在青村

**龍王廟**

在城東南桑乾灰河二水合襟處北

**五道**

**廟**

門在西外



馬邑縣志下卷

藝文志

文以貫道彰往而詔來者也馬邑文藝屢經兵燹僅存什一於千百或著爲傳記或形爲詩歌雖言人人殊要皆茹英吐華一本於道中文義無足取者不錄

**碑記**

脩馬邑縣學志

僉事王從鼎撰

皇明大一統郡縣徧設學校以道德淑人心秦漢唐宋以來未有盛於今日也凡有官守者以崇文教飭祀典隆廟貌爲知所先而不忘道之所自否則君子不錄馬邑學興創無可考前人之爲何其苟簡而所以處吾夫子何其薄哉正殿聖賢

神靈所棲制宜宏敞禳止三間而風雨不蔽餘皆歲久故構  
摧落頽垣敗壁幾爲草莽之鄉過者瞻之孰知夫子宮墻之  
所在也我新河陳公寬以憲副按察冀北適蒞茲邑謁夫子  
廟喟然嘆曰吾夫子道德高厚與天地同運一廟之崇卑在  
夫子固不足以爲損益但教化之地古今同仰鄙儒俗吏不  
知所先乃爲夫子吝財若是乎隘且陋也因召宰邑者咎之  
答曰四里小邑彫瘵久矣烏能舉大役屢曾申請上司不曰  
仍舊貫則曰俟歲豐登不曰工費浩則曰事非急務非吾罪  
也因按縣藏果無餘積適有犯侵察院舊址者悉復之而以  
東南一區兌民間址以闢學門大路又措置銀二百餘兩委

典史張信召工飭材以司出納增正殿二間而新其塑像隆其雕飭餘悉撤其舊而新之曰明倫堂戟門曰櫺星門曰庖曰廩各爲間者三曰號舍爲間者十四殿廡之上黝堊丹漆煥然維新堂門以下皆中矩度經始於弘治辛酉三月落成於十月知縣張文燧教諭唐盛訓導杜森與諸生謀曰邊方小邑學校久廢今輪奐一新而士氣倍增儒風丕振大爲茲邑之光是役也烏可不書諸石以昭示永永因具始末狀求予記予謂有天地則有吾道有吾身則知有夫子大而三綱五常小至一事一物道吾不在吾夫子揭道之的以詔萬世微夫子孰知爲臣而忠爲子而孝乎我陳公以儒起家由進

馬邑縣志 卷之二 一 二  
士拜監察御史擢僉事副使所至聲迹赫然皆由夫子之道而顯也茲學之脩其知所先而不忘所自者歟昔李鄴侯新處州孔子廟韓昌黎稱之曰鄴侯尙文故其爲政知所先後今馬邑之功何愧於處州惜無昌黎之文以揄揚之如予之粗淺烏足以當紀載之任聊以塞二三子之求耳然陳公之功亦非予文所能盡也是爲記

脩馬邑縣城記

教諭張克忠撰

馬邑城巔未沿革見諸前志然形勢雖雄不過屹然土墉而已以之抗醜虜捍強敵非所宜也時隆慶六年巡撫大同地方劉公應箕按宣大史劉公良弼因北虜歛貢適厯內憂乃

協謀具疏

上請凡應山懷馬悉

請磚之蓋欲爲未雨綢繆之謀以奠

國家無疆之基也於時

上允其奏財發於帑工出於丘以厥任責成於知縣事岳汴守  
備時爾直比三年之內務覘成效二公夙夜勤勞罔敢暇逸  
公賞罰以勵工匠均勞逸以平役使不二載而大工告成紀  
其時經始於隆慶六年暮春之朔落成於萬曆元年中秋之  
望夫厥功旣成乃要其支費括其出納度其規模以紀其盛  
大墻敵臺所以雄保障也周圍共六百四十丈高三丈甕城

二座所以樹重關也周圍共六十丈各高三丈四尺女牆一圍所以捍矢石也通長高四丈月城二座所以聯抱掩也周圍共五十丈高二丈東西二門如制三重縵以鐵葉固以鋼釘乎其堅也東西起大樓二座四面鋪樓各三座四角敵樓一座危乎其崇也城之基奠之以石共用石條四千五百丈石之上積之以磚共用磚三百五十六萬四千箇聯磚石而一之者灰也共用灰一萬八千四百五石造磚石而成之者夫也共用軍民夫匠七百餘名夫役非糧則疲共食口糧四百八十石四斗七升工匠非賞則惰共用工價銀四百四十兩八錢四分鹽菜所以佐食也共用鹽菜銀五百五十二

兩九錢石炭所以煉坯也共用工價銀二千五十三兩二錢  
夫出納明則支費足支費足則規模定此大工之成所以有  
可紀也嗚呼是工也匪才則孰與治匪機則孰與成吾岳時  
二公有能爲之才而又適接按二公倡可成之機才與機宜  
而治與成會此邊城之固足以爲天下之托而二載之勞有  
以爲萬世之利也久安長治之道端有賴於此矣是爲序

新建唐鄂國尉遲廟記

御史蒙詔撰

自昔豪傑之生鍾天地剛大磅礴之氣豈特揚躍吐精樹勳  
業於當時已哉雖其沒也而是氣流通於天地間與日星並  
明與陰陽並運不隨生而存不隨死而亡每有感觸輒形諸

馬邑縣志卷之二  
四  
夢兆若桴鼓影響然嗚呼烈哉予昔閱唐書嘗壯尉遲公之  
爲人嘆其眞豪傑士非特將略之雄也每讀其傳歛襟起敬  
久之而公則朔產也嘉靖丙寅歲予奉

命按治宣雲夏四月巡歷至馬邑一夕夢金甲神英姿環持直  
立馬上馬蹀躞若龍金戈翠旗導從前後謁予若有所訴者  
予覺大偉異其事翌日出至龍泉寺見唐鄂國公遺像在焉  
叩其所自邑尹吳子進曰鄂國舊有祠去此僅二里許熱於  
燹火有年矣棟宇灰燼惟神與馬歸然獨存居民不狎於棲  
神之無所權奉於此以存尸祝遂即其遺址觀焉草莽丘墟  
睽言懷感予曰異哉向夕予夢金甲之神非與祠前有金龍



池卽桑乾河源也清漚澄澈嚴冬不凝邑尹復進曰舊傳池有龍時化爲馬一驪一黃人莫敢御唯鄂國驍勇絕倫能跨而制之予又曰異哉予向夢金甲之龍駒非與夫鄂國輔唐昌運其所樹立固雄偉不常而臨陣決勝指麾馳驟無能當之者蓋得於馬力居多然則馬之爲龍昭昭也乃千有餘載予夢中歷歷見之一何奇哉於是諸武士蹠而言曰惟我鄂公生此朔方靈憑於茲凡軍旅所向咸有陰助吾人藉神威久矣廟貌不稱何以振揚士氣乎於是諸耆民蹠而言曰惟我鄂公幘幪茲土民有寧宇歲時禱祀應靡弗預患爲之駭而灾爲之禦吾人蒙庇久矣祀典不脩何以慰愜人心乎予

曰避哉夫有功於民則祀之能捍大患則祀之神兼焉矧赫厥靈於夢寐是神之冀也民之望也而亦觀風者之責也盍祀哉盍祀哉乃語冀北分守范君暨邑尹謀新之乃爲正祠三間轟如也爲左右廊房六間耳房六間櫛如也爲二門三間大門三間翼如也圍以堡墻周六十四丈一尺有奇曠如也戢如也地仍於舊紀芳趾也費出於公杜私擾也經始於去秋七月十日落成於今春三月念日周綜理也復買近地一頃以給守祠之役圖久遠也聲以鍾鼓樹以干旌俾民耳目有觀聽也祠宇旣成廟貌攸妥辦香瞻拜宛若夢中見者於是士氣奮揚人心孚悅適范君擢口北分巡周君以山西

督學來代暨吳尹復言於予曰鄂國見夢於公豈惟其祠祀是崇哉亦將賴公文以垂不朽予曰有是哉顧予安能文之雖然公之勛業載在汗史者則不可不勒諸貞珉以告於世予謹按史稽首言曰嗟嗟鄂國其真古豪傑士哉方其崛起兜鍪中遭際英主乘時奮翥嘗先登陷陣擐甲而擒世充攘臂而平黑闥搴旗而降建德奪槊而墜雄信一時智勇如衛公褒公皆自謂莫及則公勳烈豈不巍然出諸將之上哉然世人皆知公雄勇冠軍至論公人品世未必盡知也予嘗究公爲人大類關雲長云赤虬飄颻即髯絕倫逸羣也所向披靡羣雄膽落即羽威震敵國也躍馬突陣而脫秦王其視解

圍古城者無愧也擒王琬萬人中叢刺莫傷其視馳勒顏良者何惡也羽於立德投以肝膽公事太宗據以赤心尋相之誘不去建元之賄不入其精忠大節相符契也羽乘赤兔公得驪駒類皆龍種蓋天所默賚以弼成雄奇踔絕之蹟者又相脗合也雖羽不幸死國事公幸而興唐其大都實等埒焉然此特公論人品耳至其心術之微世又未必盡知也是故席次憤歐人謂公爲非禮不知公忠義不容姦邪乃其天性視誤國之許敬宗懷姦之徐世勣不啻犬豕肯甘與爲伍哉富不易妻人謂公守己介特不知公因是悟主使當時知此義則才人不選貞觀無養虎之愆昭儀不立永徽無牝雞之

惡又安致顯慶以後紛紛哉噫此公處心積處之微世莫能  
知者予叙公勲業因白其心如此俾後爲將者知先立根本  
毋徒視勇略爲也嗚呼方今邊郵多警安得如公者坐鎮帥  
閩叱咤風雲使醜虜不敢南牧以抒

當宁西顧之憂哉予聞朔俗懽忭好氣慷慨磊落士多生其地  
庸知不有繼公而出者哉文信國曰歿不俎豆其間者非夫  
也今廟貌赫奕人心敬仰又庸知不有興起奮勵思接武俎  
豆者哉予願公靈當默佑於斯也范君諱大儒山東霑化人  
庚戌進士周君諱斯盛陝西寧州人癸丑進士吳子諱國貢  
登州府人貢士於茲籌義殫力克襄成事例得書云

重脩唐鄂國公廟記

知縣王一鳴撰

馬邑城西北十里許舊有唐鄂國公廟創造罔稽何時重脩於弘治辛亥歲有碑文可徵按公姓尉遲字敬德諡忠武族居鄯陽避稍以勇稱辭昏以義聞除亂輔德以忠貞著固宜凌煙昭一代之名馬邑享百世之祀者洎嘉靖辛丑歲北虜入寇殿宇神像焚毀幾於丘墟迺今戊申歲春

欽差鎮守總戎周 築長城萬里遠服胡人脩廣厦千間大庇塞士因武事之少寧乘農工之未作捐俸集財量功命日遣旗牌官劉勳同本城守備王貫董其役督千戶陳國謨趨其事且倡邑士及鄰境文紳武弁富者助以財貧者效以力暨

本職率典史孟傑謀諸儒學教諭李善訓導苟廉亦各贊襄於其間踰月苟完再月苟美正殿三間鄂公居之兩廊六間副將居之左右房六間以供春秋之祀內外門二座以嚴出入之防甬道周旋以便行禮垣墉繚繞以蔽窺褻煥然廟宇之一新儼然神像之兼備碧水帶環於前後青山屏列於左右天草鋪茵喬林設幕對景可以樂天真閒鷗浮藻遊魚穿蒲觀物可以形自得向日景物荒涼之區遂成登臨佳勝之地矣夫工不成於成之日必有所由起事不樂於樂之時亦必有所由兆即今

天子端穆穆之容大臣廣休休之度軍門隆韓范之譽元戎擅

頗牧之威北虜退處於窮廬黎元樂業於畎畝道路之間諜之往來晝夜無烽燧之警懼周公之力居多所以有落成之美也昔孔子曰俎豆之事則嘗聞之矣軍旅之事未之學也是匪直爲衛君告所以爲世道惜今而襲英雄之威望際世道之昇平報往昔之功勳舉廢墜之典禮予何辛而見俎豆之敦崇而不見軍旅之撓攘夫不見軍旅之撓攘周公匿武之功而見俎豆之敦崇周公覲文之力邊陲有此中原可知固可以慶幸太平樂舉祀事不然奔走禦侮之不暇吾輩得以優游此境乎嗚呼若周公者畫策護民而安九邊之赤子盡心報國而輦萬載之



皇圖其勇義忠貞視鄂公諒不多讓則夫今之視昔亦猶後之  
視今也績繼凌烟祀享世廟不可立而待歟不可而待歟茲  
我輩所以樂觀厥成而欲銘功於不朽也遂演以爲記

重脩唐鄂國公廟記

府同孟周撰

桑乾冀北名川也發源龍池遡地會西山之脉撼洪濤之根  
通天池之絡放桑乾之瀾漭漭淵淵洞洞汨汨眞魚龍居也  
志載池內獲馬之異及閱宋濂應制撰鬼羅國獻白龍馬記  
迹於志載符節相合迺知天啓 明良川澤効靈非常也非  
誕也朔人尉遲敬德獲之屢收戰績土人奇其神也築廟池  
側及我

馬邑集卷之二  
太祖出主百神錄入祀典弘治間巡按侯公一恢拓矣歲久風  
雨震凌將爲漁牧地矣嘉靖甲申夏侍御寧夏王公按朔道  
謁將軍眞在此哉久而嘖嘖謂少叅王公僉憲田公曰忍是  
廢哉國家昭忠勸義之典可廢耶職祀典者即是而可占矣  
復謂守朔太監閻公曰君寄心腹此典

祖宗有天下首意也計果偕此不其克寄耶閻亟唯之明日鳩  
工運材樹頽易腐補弊繪落不踰夏於侯有光矣第見礎綉  
枕龍壩之勝飛甍跨馮夷之宮洪濤納翠舒卷烟霞海日朝  
紅浮沉金碧襟明月蘆葦之渚掖青蓮碧水之禪清泉萬竇  
鏡撒輪旋池影星旗龍吞蛟吐草烟點白鷺之幽柳衙浸琉

璃之冷儲是清奇物有不異廟有不神人有不景哉昔朱文公爲浙東常平使按黃巖首表溫節徐先生墓朱伯賢嘉其勵風勸也王公當人心震懾之際倉卒而倡此舉閭樂施已有夙夜祇承駿圖上答

高廟駕馭豪傑之意下慰九泉忠義之望中作陞陴歆羨奮勵之氣不刑賞而風勸能心文公心矣不請而令出役舉而人趨水村野廟動豸繡之物色頽垣破厦煥丹雘之層光緣忠義之在人心千古不壞故翁應一機耳宋儒謂神不神於神神於人心之誠此類耳或以武人目之不知公之武根於義盡於忠觀解衣出癩許婚面違可謂侃侃丈夫矣故諡曰忠

馬邑縣志 卷一  
武將軍名姓垂凌烟勳業悉許敬宗應制之碑文厚葬陪昭  
陵其廟貌迭新殆與水光山色爭明於無窮矣廟西五里周  
之別業也少嘗藏脩於是休日徜徉於是日其廢也特起立  
都之慨感其興也遂忘續貂之陋以塞請

重建鄂國祠碑記

給事中嚴從簡撰

馬邑之西北十里許有鄂國公祠故唐尉遲敬德所血食也  
其南即爲金龍池界迫窮廬豺狼叵測祠之蕩於虜燹也有  
年矣歲丙寅柱史蒙翁近野奉

命按治茲鎮政成令治百廢咸秩迺以其餘力聿新厥祠蓋鄂  
公朔產邦人仰止如淮陰之廟韓信解州之廟關羽所以崇

遐勳倡雄氣而於邊壤爲尤要焉先是近翁泣馬邑一夕夢  
金甲神來謁英氣凜爍直立馬上馬迺如龍歷歷可紀莫知  
何祥惟謹秘之翼日聞金龍池卽桑乾河源也因達觀焉得  
祠遺址荒雲宿草方爲太息縣令吳進曰此池後魏以來相  
傳有二龍時化爲馬一驪一黃天陰輒出人間牝馬遇之生  
駒神俊或有角若鹿茸然未有豢之者鄂國生而驍勇思收  
爲騎每潛祠池傍果有神駒遊焉卽飛跨其上駒欲入池鄂  
國力制驅迴嗣是出入兵革多藉其力後人因建祠於茲蓋  
謂天以授公存沒所憑也近翁悟曰異哉昨霄之兆豈鄂國  
以宜棲無據乘龍而告我乎且其豐功偉誼足表朔方祠非

淫瀆久圯不葺政媿幽格其何以鼓舞士氣乎乃命縣令聚材鳩工邑中子來煥焉美完予適以使至雲中近翁爲道其詳屢予記之予讀唐史見唐太宗之於鄂國惟以一言作合曰大丈夫意氣相期嘗深味斯語謂豈特一時君臣之會爲爾哉凡我志士達人雖曠百世且有相感者亦惟此意氣耳蓋氣在天地浩然流行其鍾於人也或爲忠節或爲政事或爲武績或爲文章雖樹立不同同於至大至剛之發越焉不以生有不以死亡不以古有不以今無固有通千載爲一息者是故孔子見周公於凡席其經綸康秦之氣通也陶潛見羲皇於北窓其淡泊真純之氣通也今夫鄂國從太宗討竇

建德王世充劉黑闥戰既高出諸將上然方其初附唐幕大分未定不隨尋相等叛去而傾心太宗及建成元吉誘以金銀一車不爲動太宗有心如山嶽之許忠節武積鄂國之表見於昔者何剛大也近翁學冠天人才宏黼黻由進士拜大行采風四方燭乎不辱今驄馬行邊以春陽惠民以秋霜摧奸以時雨造士以盟鑑肅僚則文章政事近翁之顯設於今者何剛大也且鄂國固比隅名將既佐武德之勳及於貞觀彌成太平善政能以富不易妻辭尙帝女晚年自戢不通賓客克保令終尤文士知幾之所不及是又非鄂國之所以俯俟不惑者耶近翁固南海名儒立朝正色風節獨擎繡斧攸

屈驂虜遠遁寓折衝於樽俎誠可謂壯猷允武是又非近翁  
之所以仰契不謬者耶意氣夙浹精神默孚夢寐之見亦豈  
偶哉且龍馬之說明証志冊固可覘乾陽之氣變化不拘而  
鄂國收之雖不史載然稱鄂國嘗以單騎蹈萬軍中叢刺莫  
傷雄信之圍太宗幾陷鄂國躍馬大呼翼之出使其乘非龍  
種烏能若是捷足哉人傳當爲不誣况祭法所載像奉爲宜  
非特妥鄂國之靈亦以秩正殷禮教人有勇知方也自今伊  
始香火駢嚴芑芬暢達觸處洋洋將使星輝狐嶺月朗鳳山  
其公委身英主之明見歟浪翻威海風鼓滄河其公決策秦  
府之雄斷歟雷轟鴈塞虎嘯榆林其公三奪利稍之叱咤歟



氣消恒嶽蜂息白登其公翊贊

皇靈之立威歟頌牧踵生韓劉輩出其公式穀後進之毓秀歟  
鄂國之氣瀰漫宇宙形著於西北而寄寓於一祠非鄂國之  
精爽不能妙感通於異代非近翁之卓越不能起積毀於烟  
莽其奇跡宏制皆可述也予故特闡其微以昭後人尙珍重  
厥祀時加敬護其培浩然者使龍驤之士應運名世以不負  
近翁相期無窮之意氣云

建金龍池捲棚記

知縣王日新撰

萬曆癸巳之正月余奉

命令馬邑未就道時有客燕臺者謂余曰馬邑於古爲寰州治

之乾方十里許有池名金龍舊傳二龍出化爲馬馬以龍故騰驤莫能制尉遲敬德氏跨之崛起山後爲李唐名將譚雲中勝蹟必首稱焉比蒞任前大叅汴京周公過金龍余往候之計時尙蚤因先謁尉遲公廟廟兩廊多繪事肖尉遲公像於其中凜凜有生氣當時單鞭奪稍之威可得於想像間出遂徒步行小憇於今金龍池則見烟柳垂金春波漾玉恍若西湖激灑殊不似邊地春暮猶苦寒也凭欄矚池中水清澈可鑑眉睫池水東流稍折而南約二射即產龍馬處深莫得其廔池上有寺寺四圍皆水環遶之因額曰水圍西畔有公署堂阿門塾稍深邃乃寺之前止敞廳三楹基地址不能避

風雨諸

使者行部至多臨流具壺觴以暢幽懷預期必構棚棚用布彩嘗以時促不能具居民供應頗苦之一日父老謂余曰安得建捲棚三楹則一勞永逸也顧余以初至輒興土木又民苦貧材木瓦甍維艱未敢議迨今歲春三月

侍御林公至有期諸公署當重葺池之廳有圯狀時示寂僧名圓行者頗持戒爲邑之人重存日募萬人緣脩舍利院尙餘金若干余聞而喜曰東天即西天之佛也此獨非舍利處乎迺以其意白之

少叅盛公遂易房三楹撤而運之池上爲建捲棚計因以葺

馬邑集卷之二  
池之廳費頗饒不足則又益以公帑之美命丞廣武驛張子  
介與住持僧明月督其事甫旬日棚翼然煥然而廳前有棚  
後有屏兩傍有牕眎昔之隘且陋不復同矣或曰王子侈游  
觀乎余曰案牘旁午催科無暇日安能杯酒流連光景也然  
則王子其先憂後樂者與余曰樗腐之材謬典疲邑土瘠而  
賦重民貧而役繁且也路當三晉之衝冠蓋時或相望受事  
以來日夜焦勞頭上髮星星白乃若所憂誠有之樂則吾不  
知也僧明月以棚成當有記紀歲月余因次前說以爲之記

詩歌

遊神頭山

知縣王一鳴

神頭山下黃道泉故老相傳幾百年天池飄墜車輪在金珠

又見七魚穿出沒潛通眞奇絕混混日夜崑崙泄共工觸倒  
不周山天柱折兮地維缺脈絡直衝尾閭開萬丈洪濤一滾  
來滄的神婆無去處攜兒奔上北山隈氣喘神勞體無力手  
按山頭暫憩息曉起窮荒乏鏡臺牙梳塵滿無人杖神婆發  
憤氣猶龍推倒雷山一二峯東海順流千里去週折關河幾  
萬重平灘遺與幽人寓問津嘗訪桃源路白蘋紅蓼傍晴州  
野鷺閒鷗依晚渡春回淑氣正喧妍勝日尋芳述古聯兩箇  
黃鸝鳴翠柳一行白鷺上青天南薰披拂景悠哉傲暑閒將  
好句裁一水護田將綠遶兩山排闥送青來牢落烟霞值晚  
秋古人佳製與今謀殘星幾點鴈橫塞長笛一聲人倚樓太

馬邑集 卷一 五  
呂吹殘葭管灰 霸橋詩興慢 猷推岸容待臘方 舒柳雪意衝  
寒欲放梅遊子 關山應有約四時 風月休閑却翻雲 覆雨隨  
浮沉海角天涯任 風泊回首長安雲路遙 參差樓閣傍層霄  
瓊筵金縷消長日 寶鴨龍涎俟早

朝孤臣流落窮荒域 風起塵沙天改色 三月忘味豈聞韶 數  
間破屋聊爲息 故鄉遙望白雲邊 鴈門紫塞互相連 舉目江  
河風景異 陰陰高柳不聞蟬 萍水相逢一二客 笑談共坐三  
生石 隰水冷冷含太虛 塞風淅淅侵瑤席 水哉水哉逝不窮  
曾悲胡馬飲西風 而今萬里長城在 仗劍崆峒氣若虹 奮然  
一指旄頭落 堯天蕩蕩祥光爍 喜逢河潤海波澄 活水源頭

分一勺易水寒兮沂水溫此水夏冷冬燠存浩浩七泉通地  
竅汪汪千頃接天源坎德醇良調五味造就飲食和腸胃海  
鹹河淡醴泉甘玄酒太羹天一氣君不見名川巨瀆滿中原  
銀漢涔溷雪浪翻勝地無人不贈句良辰有客便傾罇嗟爾  
七輪生邊邑浮光靜影乾坤翕夜闌星月照寒潭璞石獨有  
卞和泣囑付山人莫把滄浪輕留與時賢好濯纓好濯纓奮  
力輔皇明一朝挽回天池水洗絕胡塵萬古清

洪濤雨霽

彷彿巫峯插太清行雲行雨互陰晴雨餘粧點芳園媚月煥  
融光寶鏡明西子新粧烏髻縮南威初盡翠眉橫凭高遙送

元龍日一片襟懷萬古情

玉泉秋聲

直上波濤三尺高飛來點點落瓊瑤  
清風帶雨思瀟颯白電連山合動搖  
鱗屋龍宮驚霹靂貝宮朱館間笙簫  
翻思往昔朝眞者羽佩琳瑯颺玉璣

鴈門聳秀

少昊行秋紫塞涼雨餘頓改鴈山光  
虎幟旌旗濃墨染石壁棲臺淡粉粧  
紅葉飽霜渾覺醉黃花笑日欲飄香  
此時邊將凭欄日五色雲飛遶帝鄉

古寰落照



浮屠千尺插穹蒼  
倒影婆娑射遠岡  
列草參差橫朔野  
落霞來往際燕鄉  
牛羊促地歸荒徑  
鵝鶴翻空下碧塘  
猶有二三僧住寺  
數聲鍾磬掩昏黃

槽臺遠眺

李靖行踪世已休  
危樓猶可縱明眸  
青林隱顯長城疊  
白草高低亂塚丘  
鴻鴈遠拖秋色去  
鷺鷥斜帶夕陽浮  
山河若歷前人事  
幾度興亡嘆白頭

龍池夜月

龍沼周遭遶綠蕪  
星稀雲靜月平鋪  
分明塞北初懸鏡  
彷彿江南小樣湖  
梵宇波涵沉影壁  
水晶盤捧夜光珠  
鄂公汗馬

馬邑縣志卷之二  
功勞大贏取凌烟古畫圖

桑乾冬燠

雲樹蒼蒼拂曙霞  
渡頭人喚渡頭家  
斷橋流水搖紅影  
寒雪飛空落鬢華  
驚散鷺鷥漁父棹  
吹殘星夜戍樓笳  
山光隱隱朝曦上  
已映灘前紅蓼花

神坡古寺

古寰南上紫金山  
山畔神坡古寺間  
落盡丹青閑聖壁  
老殘松檜擁禪關  
門臨蒼莽無人過  
閣倚嵯峨有鳥還  
欲拂斷碑尋建號  
不堪文字染苔班

游金龍池

提學副使

名失傳

秋宮光映水光藍  
午夜分明月浸潭  
一脈不知來遠近  
衆流分見下東南  
清風逼我渾忘俗  
好景令人每駐驂  
人傑地靈相倚伏  
應知鍾秀產奇男

題尉遲敬德廟

前人

金龍池口水如藍  
長夏涓涓浸碧潭  
千古佳名傳冀北  
一團清致勝江南  
月明夜靜鳴禪磬  
樹密風寒駐客驂  
憶自鄂公勳業後  
有誰能繼作奇男

謁鄂公祠

御史蘇天佑

閣頽遺像凋生色  
池古荒祠俯碧泉  
天馬千秋空渥水  
雲龍一代已凌烟  
可憐契合風塵際  
大美飛騰戰陣前  
旗鼓倘仍

懸大將犬羊寧復冠頻年

題桑乾河

叅政蘇志臯

吾鄉最苦桑乾水今日尋源到此間說與山靈牢記取休教

東入紫荆關

游金龍池

舊傳二龍出化為馬

御史吳禮嘉

一池深碧自何年見說神龍向此卷願化雄鳴雙寶劍橫飛

朔漠淨胡天

與雨山李君白登回承鹿坪郭君召因約觀金

龍池

太僕卿申維岱

道出龍池近還約鷓序甍金龍化已久池水尙堪憐縱是沙

爲岸不爲風所擊隆冬涵暖氣朝日散清烟潤藉桑乾遠激  
徹霄漢連濯纓慙我鬢把釣柰塵緣携取橘中意悠懷泌什  
篇徘徊歸次晚候炬滿前川

冬日同申玄野問卿李兩山兵憲游金龍池

參議郭性之

池裏龍飛不計年龍門雙節駐川池流影漾桑乾月龍馭  
羣空冀北天喜御仙舟還泛泛愁看鳧鳥欲翩翩留君莫厭  
平原飲一別雲橫萬仞巔

游金龍池

參政周于德

野闊平池樣碧空桑乾一派近相通蕭條蒲柳新霜露寂寞

魚龍舊渚宮秋老鴈關明漢月田連馬邑盡堯封好將滿地  
深源水興作邊氓灌溉功

過乃河望尉遲敬德故宅

前人

戟如攢棘劍如林百戰英雄國士心共事一時投意氣結交  
原不問黃金

題金龍池

永年馬之麟

朔州守

平泉噴玉湛深池派衍桑乾古渡涓汗血浮蹤傅尙信泣珠  
潛室轉生疑洪濤沒虜迷天塹細潤興苗入野陂直向盧溝  
橋畔注金湯千里壯 皇維

游金龍池擬古

東牟王日新

本縣令

金龍金龍幾經年于今池上水潺湲一泓清碧可人愛凭欄  
欲去又依然我聞神品匹九逸追風逐電還稱德一朝際遇  
良將才長安日照黃金勒敬德梟雄軼千古單鞭奪稍人爭  
翻山後誰知烈士名池邊浴馬救英主聞難當年躍馬來雄  
信瞻落水之隈勤王不用飛羽檄氣如潮吐聲如雷帳下初  
標虎士名解衣同榻心已傾雄圖俠骨俱銷歇凌烟遺跡尙  
轟轟池水東流波蕩漾廟貌巍巍池之上島夷年來正陸梁

東征安得如公將

余家海上時  
力苦○故云

水圍寺

前人

池塘凝碧沁漣漪中有琳宮鎖翠微四壁光涵圍夜月三冬

馬邑集卷一  
一  
氣煖映朝曦鍾聲斷續人間隔花影扶疎僧舍宜坐久塵襟  
渾滌盡頓忘蓬跡寄天涯

登槽臺

前人

高臺百尺倚青穹登眺翩翩眼界空遠近逢巒環足底縱橫  
斗宿列懷中波濤夜見龍池月樓閣秋凭鴈塞風造化看來  
原在我須將丹粒起疲癯

續錄

夏日遊金龍池漫成一律一紀簡王茂宰

關中辛志登

左叅議

平生故有煙霞癖每到登臨便不還自向龍池來睡賞誰驅



車馬去間關濯纓苦憶綸巾白把扇懸驚舞袖斑無那雙飛  
天外鶴致身千仞杳難攀

立馬郵亭拂袖塵炎蒸消暑水之濱幾回欲向臨池醉只恐  
清溪解笑人

遊水圍寺

東牟王德新  
前容城令

梵王宮殿敞朱扉夏日携樽入翠微地靜紅塵無處着雲深  
白鶴有時歸網緼嵐氣連千嶂瀲灩波光繞四圍彷彿如來  
眞境界山人留偈欲皈依

登櫓臺

臺爲李靖所築觀星者

前人

舊築高臺不記年築臺人去斗星閑空餘樓閣烟雲裏常見

關山朔漠間往事不須增感慨清時自喜足躋攀衛公勳業  
俱湮沒只此遺踪在古寰

文明閣

在櫓臺上

起下足乘雲霧升高手摘星辰百尺爭誇危峻千年永翊文  
明

洪濤山人題

小憩水圍寺

四首

御史湯兆京

菰蒲深處綠成陰水榭周遭灌木森不信滄州移紫塞何妨  
攬轡便抽簪

水圍孤寺一僧多鏡裏紅塵迴不過唯有幽禽啼白晝閒持  
貝葉坐青莎

觸暑馳驅亦可憐披襟蘭若水中天何人恨渡桑乾去此日  
臨流自爽然

日昨驂駢又撲塵波光迴首意愈親林香冉冉花無主谷響  
嚶嚶鳥送人

水圍寺

嶧山潘榛 主事

移蓋池亭下悠然興自生水清方照物山遠不知名蒲柳羣  
相向鳶魚各有情留連迷去路誰謂是邊城

過尉遲敬德廟懷古

前人

鄂公英風古無比此日過公之故里里中祠廟肖遺容血食  
伏臘無窮紀毛髮欲動色欲嗔行人瞻之肅焉起祠傍猶有

馬邑縣志卷之五  
金龍池人傳天馬生池裏爲龍爲怪故不馴公自伏之如螻  
蝻跨來酣戰幾百場劃然隋楊始定李我仰高踪一此遊低  
徊日暮脫劔履潺潺池水西還東流落落羣山岵與岵水流  
山峙古今同英雄戰骨今枯矣

過水圍寺

漳浦楊一葵 副使

夾路垂楊蔭古堤行春聊一探幽棲江天日麗羣峯霽劔戟  
霜明萬馬嘶檻外浴鳧紛共語山中稚子喜相携閑愁到此  
渾忘却縱飲何妨醉似泥

過馬邑宋明府要遊水圍寺臨池泛舟 二首

濱隸劉餘澤 按察使

何來鴈塞得龍湫行色還因地主留林水賸餘濠濮想蘭舟

不減習池遊芰荷入夏紅芳歇

明府曾種蓮未發

葭菼連天碧浪浮

無數白鷗窺客去應嫌車馬點滄洲古木陰陰曲檻底石亭

窈窕枕招提逢僧細問津龍事

金龍池名

對酒閑聽翠鳥啼水月

漾沙時上下曇雲拂樹自東西山光欲暝猶遲戀可柰紅塵

促馬啼

### 水圍寺和

楊致老憲使韻二律

東魯張中鴻

左布政

蒼蒼山色暎芳堤爲愛池亭暫此棲翠苻牽風鳥共浴緣楊  
含霧馬頻嘶澄潭聞說雙龍化絕寒惟將一劍攜漫捲湘簾

飛紫燕梁間勿訝落香泥

梵王宮殿鎖荒堤地迥倫宜高隱棲香裊博爐僧入定花迎  
征蓋馬長嘶環臺碧水疑無底襲袂白雲似可携且喜榆關  
烽暫息憑君重借一丸泥

水圍寺二律用

憲長楊先生韻

海岱張中鵠

古刹煙籠倚綉堤溶溶碧水抱禪棲上方清磬聞僧語夾道  
緣楊聽馬嘶世外煙霞探便得夢中蕉鹿豈堪携况逢賢主  
能相歎適意何須羨紫泥

離披草色綠楊堤雨霽閑雲樹杪棲鐘度曉風襟梵唄泉穿

石溜瀉哀嘶籌邊艾可三年蓄覽勝圖將五岳携清賞且拚  
今日醉升沉何必嘆雲泥

金龍池二律前韻

楊花飛雪颭香堤一水拖藍遶梵棲檻外魚遊鷗欲下池中  
龍去馬猶嘶山僧共話風幡動旅客空將書劍携家夢中猶  
未至一尊聊此踏香泥

白蘋紅蓼暎煙堤片片白雲護竹棲鄂國雄姿猶盼蠻金池  
龍馬尙嬌嘶望中烟樹思如結客裡驚花酒漫携試向禪關

詢老衲蓮花何日出深泥

聞池中曾栽藕故及之

霍直指龍池別業

用任令韻

朔州守鄭時舉

馬邑集卷之二  
清流一派下山橋草岸盈盈起迅颺萬丈洪濤驚怪湧滿川  
餘潤應江湖浮鷗盡夢閑青野古木雲蒸插碧霄堪羨此中  
多逸致暇來嘯傲興偏饒

馬邑新秋

鄭時舉

塞上塵清日寰中氣爽初雨餘蘇壠土霜晚慰菑畝山淡雲  
根冷葉殘樹影疎秋光行且暮向傍犬羊居

秋日野眺

鄭時舉

千家砧杵映秋風四野輕清此日同方羨水天唯一色更憐  
雲樹又雙空憑闌遠送城南燕依櫺回看塞北鴻滿眼殘花  
眞寂寞教人暗地想山翁



霍直指近水樓飲簿暮泛舟龍池

鄭時舉

高樓席罷錦帆開  
簫鼓中流亦壯哉  
簿霧平鋪溪影寂  
微風乍動水紋來  
燈明兩岸驚龍窟  
月印三秋近古臺  
慷慨主人多逸興  
何妨沉醉臥山隈

仲秋祀洪濤山眺望

任澄清

洪水發源清脉通天乙  
精百泉山下出一派地  
中行古廟雲長鎖孤峰  
雪乍晴登臨情不已  
緩步到西城

洪濤眺望和前韻

霍鏌

山水自饒清蒙泉更吐精  
乾龍來脉聳野馬逐波行  
幽窅偏宜嘯登臨最喜晴  
陽春况有脚早已布邊城

新春喜雪

任澄清

昨宵騰六驚飛輪暗送瓊花報早春  
庾嶺敲殘梅蕊落梁園  
點綴柳枝新灞橋驢背詩思遠  
夜棹山陰興趣真最愛陽春  
白雪景好將樽酒賞芳晨

新春喜雪和前韻

霍鏌

風吹玉葉掩冰輪六出平鋪大地春  
舞絮乍驚時序改烹茶  
偏覺物華新藍關撤馬忠還篤  
瀚海吞裘節更真黍谷幸逢  
鄒子律敢云難和負良辰

和鄭公祖九日泛舟韻

前人

登高四望笑顏開復盪蘭橈更快哉  
岸柳迎人分綠過淵魚

弄月耀光來參差歌管催行酒寂寞烟波冷釣臺借問蓬瀛  
何者似仙舟共泛白雲隈

盆菊

任澄清

紅紅白白間黃黃次第移來列畫堂一自別離彭澤後風塵  
不染有餘香

寒鵲爭梅畫

前人

雪裏花開獨占奇紛紛鵲噪向南枝野橋無限芳菲意絕勝  
鶯啼蝶舞時

霍公祖別業觀龍池

前人

一派汪洋架彩橋水晶宮殿雨瀟瀟風樾巨浪聞龍吼月擁

清波見海潮鷗鳥忘機眠翠柳樓臺壯麗簿青霄中流砥柱  
狂瀾靜滿日雲山景色饒

秋日大同道中

前人

朔方落木悲深秋衰鬢彈冠學壯遊塞上風霜驚鴈度城頭  
鼓角動邊愁寒煙殺氣冲霄漢白草黃雲遶戍樓胡馬干戈  
猶未歇請纓誰復繫毡裘

雲崗洞觀石佛

前人

巍巍古洞倚雲開斧斲神工亦異哉千佛靈光歸淨土諸天  
法象傍巖隈石龕不惹風旛動蘭若惟看夜月來空寂然儼  
西域界喜逢僧話共追陪

春日左衛道中

前人

邊城荒徼地蝴蝶夢中身  
戴月長驅馬停車數問津  
黃沙迷萬里白雲積三春  
僕僕關山道低頭愧殺人

次龍池前韻

霍 鎮

水斷長堤續小橋激湍靈籟響  
森瀟銀河傾瀉驚風雨碧海  
依稀聽汝潮檢點虛舟空世界  
凭臨浩月冷雲霄干旄况復  
來仙令從此山林趣更饒

水圍寺

任澄清

水寺湖天一徑通綠陰深處小橋東  
龍媒已去今何在留得  
清池對梵宮

水圍寺前韻

霍 鎮

盈盈一水四圍通  
流過寒潭古廟東  
夜靜禪林明月上  
恍疑身在水晶宮

神馬記

知縣任澄清撰

馬有神乎曰有上古羲皇之世負圖而出於河者非龍馬耶  
後世有產於渥窪者又何物耶蓋天地間物之最靈者莫如  
龍而生物不測者莫如水故蛟龍天馬恒產於水焉唐鄂國  
尉遲公乃一代元勳當年金龍池所獲之馬實天降之毛龍  
也余蒞任甫浹旬時九月旣望吏請備牲醴粢盛謂詰旦應  
祀鄂公脩故典也是夜余夢有馬立大廈下毛骨駿異狀若

龍驤第見廈屋傾圮天雨淋漓以蘆席覆其馬之脊若有不堪居處狀夢既覺余悚而異之於是櫛沐待旦偕韓李二廣文及從祭諸文學蚤有事於鄂公祠登堂駿奔觀其廟貌森嚴凜凜猶有生氣既而至神馬控立之所果見楹宇塌頽不蔽風雨馬有斷其脊裂其首缺其足者宛然夢中之鏡也於是命匠增脩施以冉聖而楹與馬且煥然一新矣余惟鄂公汗馬之勞照耀千古當年追風逐電所向無敵者固公之勇略絕人亦豈非龍馬之力哉乃知鄂公之英靈百世不磨龍馬之精靈亦與之俱不磨其出也爲馬其歸也爲龍又豈因迹像之成虧爲龍馬之增損也乎贊曰龍馬之見天助英雄

維夢有感緊神所通



# 馬邑縣志跋

邑必有志者紀其實也志必重刻者通其變也蓋國家採風  
貢俗程物比事唯志是據變而通之存乎其人前者有作後  
者繼焉所從來矣第其事欲核核則信其詞欲直直則公非  
公且信摠之于志無當已馬邑在古爲寰州前時志未有作  
者作之自邑進士武公文始歲月旣久闕失漸多曩邑侯寧  
海王君曾董弟子員校讎而壽之梓已彬彬稱完錄矣迨自  
萬曆乙未而後迄今又一紀有餘其山川疆理之跡物產土  
俗之宜即今昔不殊而氣化之災祥民生之利病營建之沿  
革與夫循良之政科貢之名不無與時運相爲盛衰而變遷

馬邑集 卷一 序  
者倘闕逸靡紀後將何述歲乙巳邑侯宋君以齊魯之英奉命而來下車後即詢邑志咨故實閱人文輒慨然欲重修之顧以爲初政未遑也越今已三載課績矣諸凡利者興弊者剔訟者平賦者均載在士民所爲寔政錄中者若陶之善埴圓中規方中矩匠之善木曲中鈎直應繩于治可稱有成矣會戊申夏承

當路者檄俾重刻邑志遂屬諸士而告之曰若生于斯長于斯其耳目之所睹記罔不詳悉間有所宜增減者當與衆商確以成信史不然而傳者安于習述者狃于襲是土羹也志之不核焉用文之諸士曰唯唯退而謀諸野得之耆舊濟以

傳聞事有該于原本者則因之而不革事有未經紀載者則益之而不泥視曩者所志尤加詳焉余惟晉乘甲天下使經聖筆當與春秋等馬邑雖其一隅乎得

侯之修而志愈重且使後之君子繼此而興者得有所攷則斯志也其永光晉乘哉余固嘉侯造馬邑之意甚盛而又樂侯之志成也因僭而序之用垂不朽云

奉政大夫臨洮府同知霍錢頓首拜撰



